

**ZAPISNIK SA 50. SJEDNICE UO SAMOSTALNOG SINDIKATA RADNIKA U BHRT-u,
KOJA JE ODRŽANA U UTORAK 29.01.2019. GODINE**

Prisutni: D.Smital; Dž. Kahrica; G.Brkić; M.Grbo; N. Žuga; M.Herac; D.Miljević; E. Fočo;
M. Baručija; N. Arnautović; E.Agić; N.Hodžić; M. K. Pašalić

Odsutni: E. Čengić; - **opravdano**, B.Hamzagić, O.Bukić; - **neopravdano**

Dnevni red:

1. Zapisnik sa 49. sjednice
2. Aktuelna situacija u BHRT-u
3. Skupština
4. Finansije (D. Karšić)
 - Ispraćaj penzionera
5. Ugovori
 - Adriatic
6. Dodjela pomoći (N. Žuga, G. Brkić, M. Grbo)
7. Razno

AD 1. D.Smital je na osnovu člana 35. Statuta Samostalnog sindikata radnika u BHRT-u, otvorio 50. sjednicu UO SSR u BHRT-u i predložio dnevni red. M.Herac je prijedlog za dnevni red dostavila elektronskim putem. Dogovoreno je da se ta tema razmatra u sklopu tačke Aktuelna situacija u BHRT-u. Dnevni red je jednoglasno usvojen. Zapisnik sa 49. sjednice je jednoglasno usvojen.

AD 2. D. Miljević je postavio upit za povratnu informaciju kada je u pitanju problem sa bankama tj. kreditnom rejtingu radnika, a za koji je poslan dopis menadžmentu krajem prošle godine.

U skladu sa prijedlogom M. Herac, D. Smital je upoznao UO o dešavanjima vezanim za istup bivše potpredsjednice sindikata.

D. Smital je dobio informaciju od M. Grbe 09.01. 2019. godine navečer, da bi 10.01.2019.godine tražio sastanak sa menadžmentom, ali nije uspio jer je generalni direktor bio na godišnjem odmoru. Tokom vikenda se rukovodstvo sindikata nije uspjelo sastati zbog obaveza koje je imao izvršni sekretar.

U ponedjeljak 14.01. D. Smital je obavio konsultacije sa par članova UO Sindikata u vezi pomenutog događaja. U ponedjeljak ujutro je predsjedniku sindikata e-mailom dostavljena inicijativa E. Čengića za održavanje vanredne otvorene sjednice. D. Smital je inicijativu istog dana, u skladu sa odredbama Poslovnika, dostavio članovima UO na glasanje. Nakon toga, D.Smital je dobio e-mail od S. Topalić sa upitom o proceduri podnošenja ostavke i istupanja iz članstva sindikata.

Obavljeno je glasanje u vezi inicijative E. Čengića: ZA 3, PROTIV 4, SUZDRŽAN 7 i nije glasalo 3 člana UO. Inicijativa je odbijena.

S.Topalić je istupila iz članstva sindikata 17.01. 2019. godine čime joj, u skladu sa odredbama Statuta, po članu 21. stav 6., prestaju sve funkcije u sindikatu.

AD 3. D.Smital je napomenuo da su sve Podružnice bile dužne održati svoje sjednice i dostaviti odluke za UO Sindikata, povjereništva i delegate za skupštinu i zamolio sve one koji nisu dostavili da to urade do sjednice Organizacionog odbora.

Za predsjednika sindikata kandidaturu je dostavio Damir Smital.

Upravni odbor je utvrdio da je kandidatura u skladu sa Pozivom koji je objavio UO.

UO je dostavljen finansijski izvještaj uz koji će na Skupštinu sindikata biti dostavljen i izvještaj o pomoći koja je podjeljena. Finansijski izvještaj je predat poreskoj upravi i Nadzornom odboru kojem su dostavljene i sve odluke kao i spisak članova sindikata.

UO Sindikata je jednoglasno donio Odluku o sazivanju Skupštine 22. 02.2019.godine, Odluku o verifikacionoj komisiji (N. Žuga, N. Hodžić, N. Arnautović), Odluku o izvještaju UO za 2018. godinu, Odluku za troškove delegata sa napomenom da će se ukupna cifra ustanoviti na Organizacionom odboru.

Prijedlozi D. Smitala da Organizacioni odbor održi sjednicu 04.02.2019.godine, da se sjednica UO Sindikata održi 21.02.2019.godine i da se sastanak Podružnice BHT-a održi 01.02.2019. godine (obzirom da je Upravni odbor mora zakazati) su jednoglasno usvojeni.

Naknadno, na molbu N. Hodžića, Upravni odbor je u skladu sa članom 27. Poslovnika, izmijenio odluku o verifikacionoj komisiji, na način da je umjesto N. Hodžića imenovana M. Herac.

AD 4. Blagajnički izvještaj za decembar 2018. godine je primljen k znanju. Usvojena je Odluka o organizaciji i ispraćaju članova sindikata u penziju u iznosu od 995,00 KM. Ova odluka je usvojena jednoglasno.

AD 5. Adriatic izvještaj za decembar 2018 je primljen k znanju.

AD 6. Komisija za dodjelu finansijske pomoći (G.Brkić, M.Grbo, N. Žuga) predložila je da novčanu pomoć za mjesec januar dobiju sljedeći članovi: Adnan Ibričević 500 KM (II dio), Bilsana Eljšan Gojak 300 KM (II dio), Enver Suša 300 KM (II dio), Jusuf Džindo 500 KM (I dio). Ukupno 1600 KM. Prijedlog komisije je jednoglasno usvojen.

AD 7. N. Žuga je postavio upit za HTZ opremu tj. ima li sindikat informaciju o rješavanju ovog problema. D.Smital je informisao UO da je posljednja informacija koju sindikat ima od menadžmeta, da sa referentom o zaštiti na radu trebaju sravniti spiskove kako bi se raspisao tender za nabavku HTZ opreme. N. Žuga je istakao da su posljednji put ljudi u PEP-u dobili opremu 2014.godine.

Dž. Kahrlica je napomenuo da su sve podružnice 2016. godine dostavile svoje zahtjeve za HTZ opremu osim PEP-a iz kojeg je sindikat dobio informaciju da će oni ići službenim putem preko direktora.

D. Smital je dodao da je o ovom problemu razgovarano i na sastanku članova Podružnice PEP sa generalnim direktorom u novembru 2017. godine i da je tada dogovoreno sa generalnim direktorom da kolege iz PEP-a dostave Sindikatu spisak potrebne opreme, pa da onda Sindikat to predoči menadžmentu i da se na taj način pokuša riješiti problem sa HTZ opremom. Sindikat nikad nije dobio potrebnu informaciju od kolega iz PEP-a.

N. Žuga je dodao da je na sastanku Podružnice PEP-a, o svemu navedenom informisao prisutne članove.

Donesen je zaključak da će rukovodstvo sindikata ponovo postaviti upit za HTZ opremu, kao i za problem sa bankama.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital